

S. MI D. N.

D. V R B A N I

DIVINA PROVIDENTIA  
P A P Æ V I I I.

Confirmatio Declarationis Constitutionis CLE-  
MENTIS PP. VIII. de Largitione munerum  
Regularibus vtriusque sexus interdicta.



VRBANVS PAPA VIII.

Ad perpetuam rei memoriam.



UPER à Congregatione nonnullorum Romanæ Curiz Prælatorum, co-  
ram dilecto filio nostro Antonio tituli S. Petri ad Vincula Presbytero  
Cardinali S. Honuphij nuncupato, maiori Pœnitentiario, ac nostro in  
alma Vrbe Prouicario in spiritualibus generali, & nostro secundum car-  
nem fratre germano, à Nobis deputata, emanauit declaratio tenoris sub-  
sequenti videlicet. Cum circa interpretationem Constitutionis fel. re:  
Clementis VIII. sub dat. xij. Kal. Iulij Pontificatus sui anno III. de  
Largitione munerum Regularibus vtriusque sexus interdicta, nonnullæ  
dæ cultates, & ambiguitates sint exortæ; Congregatio specialiter à Sanctissimo D. nostro  
VRBANO Diuina Providentia Papa VIII. coram Eminentissimo Cardinali Sancti Honuphij  
maiori Pœnitentiario, ac Urbis Prouicario deputata, auctoritate sibi attributa declarauit, &  
declarat, munera à Religiosis vtriusque sexus tribui posse, ex causis gratitudinis, conciliationis  
beniuolentiæ, eiusque conseruationis erga ipsam Religionem, vel Conuentum, alijusue causis  
ex sui natura ædum virtutis, & mæriti continentibus, modeste tamen, ac discretè, & dummo-  
do id non fiat, nisi de Superiorum localium licentia, ac etiam cum consensu maioris partis  
conuentus, si talis consensus de iure, vel ex constitutionibus, seu consuetudinibus cuiusque  
Religionis respectiue, in huiusmodi casibus requiratur. Consensum verò Conuentus in S. j.  
eiusdem Constitutionis ad leuiora esculenta, aut procurentia, seu ad deuotionem, & religio-  
sitatem pertinentia munuscula largienda &c. requisitum, intelligi debere de consensu alius de  
iure requisito, & ubi concurret ambitionis suspicio, qua cessante, nec in his requiri licentiam.

Suppe-

Superiorum in scriptis in §. 4. eiusdem Bullæ requisita, sed sufficere licentiam, etiam oretenus eidem concessam, declarat. Comestationem autem, comotationes, & conuiuiis in excipien-  
dis præsertim Benefactoribus, Protectoribus, vel Ordinarijs honorificè, & laudè, de quibus  
in §. 5. & 6. eiusdem Constitutionis, censeri tantummodo prohibita, si decentiæ status regu-  
laris aduersentur. Restitutionem verò receptorum Conuentibus faciendam, de qua in §. 7.  
ibidem cautum est, intelligi debere de Conuentibus, ad quos data, donata, seu milla de iure  
pertinent, si id commodè fieri potest, alijs Conuentui eiusdem Religionis viciniori loco, vbi  
petita sunt absolutio, restituantur. Insuper eadem facultate sibi tributa, omnes, qui hucusq;  
aduersus supradictæ Constitutionis Capitula hic moderata largiti fuerint, vel receperunt, à  
pœnis quibuscumque in eadem Constitutione indictis, & incurtis posse, & debere à proprijs  
Confessarijs absolui in foro conscientie, etiam non facta prius huiusmodi rerum donatarum,  
seu datarum restitutione. Quoad eos vero, qui præter modum prædictum grauiori Religio-  
nis detrimento largiendo, vel recipiendo transgressi sunt, sed ob inopiam restituere nequeunt,  
eadem Sanctitas concedit maiori Pœnitentiaro, vt de præteritis vique ad diem datæ præsen-  
tium in foro conscientie absoluat, dispense, & condonet, seu absolui, dispensari, & condo-  
nari mandet, prout in Domino magis expedire iudicauerit. Et nè prædictæ Clementis VIII.  
Constitutionis memora dilabatur, Superiores locales cuiuscumque Monasterij, Conuentus,  
Domus, ac Collegij Regularis sub pœna priuationis officij, vocisque adiuu, & possiuz ipso  
iure incurren. efficere teneantur, vt in perpetuum singulis annis mense Ianuario, no-  
n. solum prædicta Constitutio (quam in reliquis eius partibus eadem Sanctitas, omnino obseruari iu-  
bet, & quatenus opus sit innouat, quemcumque prætextum non vsum, aut prætextum vsum,  
seu prætextum consuetudinem, damando, & irritando) verum etiam hoc decretum in aliqua  
publica Congregatione, vel saltem in publica mensa perlegantur. Omnibus tàm Ecclesiasti-  
cis personis etiam Regularibus, quàm Laicis cuiuscumque sine ordinis, conditionis, gradus,  
ac dignitatis, etiam speciali nota dignis, & qui sub generali dispositione non comprehende-  
rentur, prædictam Clementis Constitutionem contra præsentis decreti tenorem declarandi,  
vel interpretandi facultate pœnitens interdicta, super quibus Sanctissimus mandauit expediri  
Breue. Datum Romæ die 25. Septembris, M. DC. XXXX. Qua propter vt præmissa firmitus  
subsistant, & inuiolabiliter obseruentur, quantum eum Domino possumus, prouidere volen-  
tes, Motu proprio, & ex certa scientia, ac matura deliberatione nostris, deque Apostolicæ  
potestatis plenitudine, declarationem præinsertam cum omnibus, & singulis in ea contentis,  
tenore præsentium perpetuò confirmamus, & approbamus, illique inuiolabilis Apostolicæ  
firmitatis robur adijcimus, ac omnes, & singulos tàm iuris, quàm facti defectus, si qui de super  
quomodo libet interuenerint, supplemus, illaque inuiolabiliter ab omnibus, ad quos spectat,  
& spectabit in futurum, obseruari, sicque, & non aliter in præmissis per quocumque Iudices  
ordinarios, & delegatos etiam causarum Palatij Apostolici Auditores, ac Sanctæ Romanæ  
Ecclesiæ Cardinales etiam de latere Legatos, & quosvis alios quacumque auctoritate fun-  
gentes, sublata eis, & eorum cuilibet quauis aliter iudicandi, & interpretandi facultate, &  
auctoritate, iudicari, & diffiniri debere, ac irritum, & inane, si secus super his à quo-  
quam quauis auctoritate scienter, vel ignoranter contigerit attentari, decernimus. Non  
obstant. quoad ea, quæ declarationis prædictæ, & præsentibus sunt contraria, vel diuersa,  
Constitutione scilicet. rec. Clementis Papæ VIII. prædecessoris Nostri prædicti, ac omnibus illis,  
quæ idem Clemens in Constitutione huiusmodi voluit non obstat, cæterisque contrarijs  
quibuscumque. Datum Romæ apud Sanctam Mariam Maiorem sub Annulo Piscatoris die  
xvj. Octobris M. DC. XXXX. Pontificatus Nostri Anno Decimo octauo.

M. A. Maraldus.

*In nomine, & à Natiuitate Domini Millesimo sexcentesimo quadragessimo, Indictione octaua, die vero  
trigesima mense Octobris, Pontificatus Sanctissimi in Christo Patris, & D. N. D. Urbani Decani Pra-  
sidentia Papæ Octauo, anno decimo octauo, retroscripta littera publicata, & affixa fuerunt in acie Cam-  
pi Flæu, & alijs locis publicis, & consuetis, per nos Hieronymum Mascellam, & Andream Casprucium  
iurisperitos S. D. N. Curiares.*

*Ita est Hieronymus Mascella S. D. N. PP. Cur. pro D. Mag.*

*Ita est Andreas Casprucius S. D. N. PP. Cur.*

ROMÆ, Ex Typographia Reu. Cam. Apost. MDCXXXX.

144  
1532242